

TOTIHITAWĒ THAMOTIMA THE Ā

PREĀMBULO

Enaha thē puhi tao kuaai, wā rēamai thē, peheti he usukuwē thē, wā toprao thē kâi, hei thē pē nohi taemopou piyēkou, ĭhĩ thē pē nohi ĭhĩpimopouha totihitawē thamotima thē hami he usukuwē thē pē nohi taeyou totihitaopē,

Enaha thē puhi tao kuaai, totihitawē thamotima thēni thē taimi ha, thē pē kâi shomiaprai ha, hei wārĭtiwē thamotima thē kipi thaprarema. Komi pēmaki rē kui pēmaki kirihou mai, pēmaki kâi no preaai mai pēmaki pērihou piyēkopē, pēmaki ā topraopē, pēhetiapramotima thē pē hami.

Enaha thē puhi tao kuaai, totihitawē thamotima thē rē wā nosie huamotima thēni thē nohi thapopē, komi urihitheri thē pē no yuayou maōpē,

Enaha thē puhi tao kuaai, thē pē pērihiwē rē piyēkēi thē pē puhi taamayōpē thē pē rĭmimayōpē,

Enaha thē puhi tao kuaai, komi urihitheri ONU thē ha thē pēhetiapraihe, totihithawē thamotima thē hami, suwē wāro pei pēmaki no rē kui thē pē no ā hē usukuwē, kama pēni thē ā wawemarēmahē thē pē puhi rē taamaĭwēĩ,

Enaha thē puhi tao kuaai, komi urihitheri pē rē kui ONU thē iha thē pē ā wawētokema totihitawē thē ā nosi riā ha poheni,

Enaha thē puhi tao kuaai, thē pē ā rē wawētokenowēĩ thē pēni thē ā hĭrĭapehe thē ā nosi kâi popehe

ĭhĩ thē no ā ha TOTIHITAWĒ THAMOTIMA THE Ā wēyēi piyēkouhe.

Hetipētēwē 1

Kōmi thē pē rē pēriprawē rē piyēkēi, he usukuwē thē pē keprou ai thē ā rēamaihā no ā heparohowē, totihitawē thē pē riā rē thaiwehei hami, thē pē puhi tao kâi pērihiwēha, thē pē puhi kâi katehewēha hawē kama thē pē mashi shĭro pērihimopē.

Hetipētēwē 2

Kōmi thē pē ihami totihitawē thamotima thē kuprawē , thē ā rē maiha thē pē pēriprawē, wā katehano thēni thē wāhā no wayoano, suwē, wāro, pei kahi, thē pē rē reahumouwēĩ, napē thē ā, no matohipi, no preaarewē, thē pē rē kepronowēĩ hami, ai thē pē sho, shomi urihitheri himayōumahēĩ.

Kōmi thē pē ihami totihitawē thamotima thē kuprawē , thē ā rē maiha thē pē pēriprawē, ma kui ai thē pēni thē pē urihipi rēpoumakuhei thē pē riā pērio toprao he yatio.

Hetipētēwē 3

Yāmi kōmi thē pē ihami totihitawē thamotima thē kuprawē thē pē rē pēriaiwei thē pē kuprawē, ai thē ā rēamai, peheti thē pē rē pēriaiwei.

Hetipētēwē 4

Āi thē pē iha horemou wamaki no ohotamopī mai, horemou ohotamomamotima thē thamai puhiomi he parohowē.

Hetipētēwē 5

Thē pē shēmou taomi, thē pē wāhā kâi wārĭhĭthomamou taomi, thē pē shēmou wārĭtia i taomi.

Hetipētēwē 6

Thē pē pēriprawē rē piyēkēi thē pē ihami totihitawē thamotima thē kuprawē, thē pē nohi riā hatukēmopou piyēkou.

Hetipētēwē 7

Wā nosie huamotima a hami, komi hititiwē thē pē he usukuwē, thē pē nohi kâi thapou piyēkou. Hei wā katehano thē rē kui thēni, hititiwē wā nosie huamatima ani wārĭhĭtho thamotima thē hami, thē pē he komi rupou piyēkou; wārĭhĭto thamotima thē hami thē pē no yuo maōpē.

Hetipētēwē 8

Komi hititiwē thē pē rē kui, thē pē payeriopē nohi thaporewē pata pēni, pē nohi rē hatukēawei kama urihithēri thē pēni , totihitawē thamotima thē wārĭhĭtho thai maōpehe.

Hetipētēwē 9

Enaha pētawē thē pē huēamou taomi, thē pē kâi ôkamopou taomi ai thē urihi hami thē pē shimamou ayao taomi.

Hetipētēwē 10

Komi hititiwē thē pē ihami, totihitawē thamotima thē kuprawē, thē pē he pruka usukuwē, nohi thaporewē pata pē mithari hami, thē a riā hai thē a riā ha hīrīāmoni thē rē thanowēī thē hami thē wāhā no wēyēihe tēhē, thē no ā he riā ha ruoni.

Hetipētēwē 11

Hititiwē thē pē rē kui thē pēni ai thē ma thamonomai thē pē wāhāno wēyēihe tēhē thē pehetiapai haia mahēlha thē shurukuamou haio taomi. Nohi thaporewē pata pēni thē pehetiapai haia mahēlha pē noa napēmou taomi.

Thē pē wāhāno wēyēyono ma mai, thē pē wāhāno wēyēyou, enaha thē thamou taomi. Hapa hote wārītīwē thē ani hei tēhē thē wārītīwē he parohowē thē thamou taomi.

Hetipētēwē 12

Ai thē puhi pētouha ayaroni , thē pē yahipi hami, thē he haprou ayou taomi, therihē pē ihami kâi, ōniōni a shimaihe tēhē thē kâi mii pario ayao taomihe, komi thē pē mithari ha wa thē wāhāno wēyēi ayao taomi. Īhī thē pē hami totihitawē thamotima thē rē kui wā nosie huamotima thēni thē pē nohi thapou piyēkou.

Hetipētēwē 13

Hititiwē thē pē ihami totihitawē thamotima thē kuprawē, ai thē ā rēamaihā thē pē riā huu piyēkou, wa thē nohi rē pēripouwei thē urihi ha thē pē kâi riā shaponomou.

Hititiwē thē pē ihami totitihitawē thamotima thē kuprawē ĩhī thē no āhā thē pē rē pērihiwē rē piyēkēi thē pē urihipi hami, thē pē kâi riā huu, thē pē urihipi nohi kâi rē pēriprai, thē pē urihipi nohi kâi riā kōō mi yapao.

Hetipētēwē 14

Ai thē yapēkamahe tēhē, kōmi hititiwē thē pē ihami totihitawē thamotima thē kuprawē thē pē rē hithēpraamaiwēī a urihi ha, ĩhī ā hā thē pē ā riā toprao, shomi thē pē urihipi hami kâi.

Hei a hami totihitawē thamotima thē rē kui thē wāhā pomou taomi thē kâi puhipramou taomi, wā nosie huamotima nohi thaporewē pēni thē pē huēmamaihē tēhē peheti kōmi yapēkamotima thē pē hami pei thē hapa rē hupētarenowēheī thē pēni kâi.

Hetipētēwē 15

Hititiwē thē pē ihami totitihitawē thamotima thē kuprawē, kama urihi theri thē pē wāhā hirou katitou.

Thē puhi pētouha ayaroni kama urihitheri thē rē kui thē mapramai ayao taomi, totihitawē thamotima thēni hawē kama e thē wāhā riā hiroprou kuo.

Hetipētēwē 16

Wārō, suwē pē sho, kama huya thē pē riā rē toayouwei hami totihitawē thamotima thē kuprawē ai thē ā rēo taomi. Ai thē ā rēamaihā suwē , wāro pē sho thē pē riā toayou, kama theri thē pē wāhā hirou, reahumotima kama urihithēri, ĩhī thē pēni totihitawē thamotima thē hami thē pē ā rēo taomi, kama thē pē mashi riā kuprou. Shoati totihitawē thamotima thē ha thē pē ā riā toprao, thē pē toayou pario tēhē, thē pē ā toprao rē kuonowēī naha, thē ā riā toprao kuo shoao.

Kama kēkīpi rē puhiyouwei, peheti kēkīpi riā toayou.

Kama thē pē mashi shīroni pē shapono praukamaihē ĩhī thē no āhā totihitawē thamotima thē rē kui, kama urihitheri thēni thē nohi thapouhe, kama thē pē shaponopi kâini.

Hetipētēwē 17

Hititiwē thē pē rē kui thē pē matohipi riā kuo, totihitawē thamotima thē ha, thē pē rē perihii hami kama thē pē urihipi riā rii kuomopotayou.

Pei thē puhi pētouha ayaroni thē pē matohipi riā rēmaimihe thē pē rē perihii hami urihi ā kâi rēmai taomihe.

Hetipētēwē 18

Hititiwē thē pē rē kui ai thē ā rēamaihā totihitawē thamotima thē ha thē pē puhi tao kâi riā pērio, reahumotima thē hami, thē pē puhi katehewēha; totihitawē thamotima thē ha thē ā kâi koyokoa reahumotima wa thē riā rē hemihīpraiwei, ai thē ā rēamaihā thē riā owēmamou komi thē pē mithari ha thē kâi riā owēmaihe, thē pē hirayou tēhē, thē pē owēmayōŭ tēhē, peheti thē ā huamou sharirou ha.

Hetipētēwē 19

Ai thē ā rēamaihā hititiwē thē pē rē kui yāmi thē pē puhi riā piyēkou, thē wāhāno riā rē wayoiwehei; ĩhā thē ā kâi koyokoa thē ā hai tēhē thē ā nohi wārimopou taomi, ma kui yaniki thē riā wārimou kuaahērii, thē ā riā opisi tēamou kuaaherii, thē ā riā wēyēmou piyēkou wānoshimamotima thē pē hami.

Hetipētēwē 20

Hititiwë thë pë ihami totihitawë thamotima thë kuprawë ai thë ã rëamaihã thë pë ã riã wayou kãi yototai thë pë riã rë thaiwehei thë pë wãhãno wayoihe ha.

Ai thëni yototamotima thë hami thë shimai ayao taomi.

Hetipëtëwë 21

Hititiwë thë pë ihami totihitawë thamotima thë kuprawë patamorëwë thë pë rë kui thë pë ã wayou kãi riã roaai narëõ kama peni a pata rë thanowëhëi pë mithari ha kãi.

Hititiwë thë pë ihami totihitawë thamotima thë kuprawë kama thë pë rë përiprai hami thë ohotepi rë shatiprai, thë pë riã ohotamou toaai.

Patamorëwë thë pë rë kui, thë pë shaponopi kãi rë përiowei thë pë iha thë pë patamou. Ei thë rë kui thë pë shaponopi kãi rë përiowei thë peni thë pë wãhãno ha wayoaheni thë yaiaprai shoahe yaiamotima thë kuo tēhë thë pë yaiamou hãthõð.

Hetipëtëwë 22

Hititiwë thë pë ihami totihitawë thamotima thë kuprawë kama thë pë rë përiprai hami pata thë pëni thë pë nohi kãi hatukepopehe, ai urihitheri thë pë patani thë pë nohi kãi hatukëpopehë, thë pë puhi topramapopehe, ñhĩ thë nohi yaimopou thë pë puhi wetinahamou maõpë, peheti thë pë përihopë.

Hetipëtëwë 23

Hititiwë thë pë ihami totihitawë thamotima thë kuprawë, thë pë urihipi riã hupëo, ai thë ã rëamaihã thë ohote hurimopë, thë prewë thaporaheni, pata thëni ohotamorëwë thë pë rë kui thë pë nohi pëyëpou thë pë ohote kuo maõ tēhë.

Hititiwë thë pë ihami totihitawë thamotima thë kuprawë, thë pë ohotamou he usukuwë rë kurenaha thë pë no kãi kõð he usukuopë.

Hititiwë thë pë ihami totihitawë thamotima thë kuprawë he husukuwë thë pë no kõð, thë pë puhi kãi owëhëo, kama pë shĩro rë kui e pë puhi kãi përio mi hetuopë e thëki peheriproimiha pë kãi rë përiowei ai e thëki he riã tikëai e thëki he usukuopë.

Hititiwë thë pë ihami totihitawë thamotima thë kuprawë, sindicato thë pë riã thayou, thë pëhe rumopopë.

Hetipëtëwë 24

Hititiwë thë pë ihami totihitawë thamotima thë kuprawë, thë pë washimi horuu yãnikio pariopë, thë pë riã huu toatarou, toprao thë pë kãi rë ohotamonowëĩ thë no kãi riã kõãmamou thë ma yãnikia parirani.

Hetipëtëwë 25

Hititiwë thë pë ihami totihitawë thamotima thë kuprawë, thë pë riã përio toprao kama theri thë pë shĩro sho, nii pë hami, yahi pë sho, thë pë kãi temio topraopë, thë pë kãi titihopë, thë pë nohi kãi rë yaimopouwei thë pë sho. Enaha hititiwë thë pë pehi totihitawë thamotima thë ha thë kua thë pë rë ohotamoumai, pë rë shawarapiwei, thë pë no rë huwëmai, thë pë he rë paharaprai, thë pë rë wãrõ rë patai, thë pë suwe kãi rë patai, ai thë pë wãrĩtiwe kãini thë pë pehetipopehe.

Suwë shipënapi thë pë rë kui, ihiru, marãnapì, suwëhëri marãnapì thë pë komi sho, totihitawë thamotima thëni, thë pë nohi thamopou topraopë. Hititiwë ihiru hĩĩpi kua pë rë keprouwei, pë hĩĩpi ma kua mai pë kãi rë keprouwei, totihitawë thamotima thë kuprawë peheti pë nohi kãi thaprawë.

Hetipëtëwë26

Hititiwë thë pë ihami totihitawë thamotima thë kuprawë, thë pë kãi hirayopë. Hiramotima thë pë rë kui, nomraiha thë pë hiramou pariopë. Hiramou pariotima thë hami thë pë ihrupi shimio he parohoopë.

Hiramou pariotima thë nohã hami ñha hititiwë thë pë ñnimou taai he parohoopë; ñnimou pata thë rë kui hititiwë thë pë pehi ma kui thë pë puhi moyãwei rë thë pë pehi shĩro kuopë.

Hiramotima pë hami, puhi tao thë pë kupropë ñhĩ thë no ãhã totihitawë thamotima thë pë nohi asipopehe ai the ã rëamai thë sho; thë pë rë përiprawë piyëkëi thë pëni, thë pë nohi kãi rë yaipouwehei thë pë hami, thë pë no ñhĩpipopehe, thë pë kãi puhipoyopë, O.N.U. thëni thë thamai rë puhiiwei thë ã riã praukamai ha piyëkoni, thë pë ã riã topramapou ha totihioni.

Pë nĩĩ, pë hĩĩ thë pëni e thë hiramai shi rë topraowehei e thë hiramai puhipehe.

Hetipëtëwë 27

Komi hititiwë thë pë ihami totihitawë thamotima thë kuprawë, thë pë rë përihii thë pëni thë pë rë tai rë piyëkouwehei thë pë hami ai thë ã rëamaihã, thë pë no riã taayou, thë pë a kãi riã toprao, matohi pë rë thanowëhëĩ pë hami, ñhĩ thë pë matohi ha thë pë ã riã toprarou.

Hititiwë thë pë ihami totihitawë thamotima thë kuprawë, thë pë nohi thaopë, kama thë pëni thë pë rë thaiwehei thë pë hami, thë kãi rë ñnimaiewëhëĩ thë pë hami, noshiharirawë thë pë kãi rë kopemaiewëhëĩ hami kãi.

Hetipëtëwë 28

Komi hititiwē thē pē ihami totihitawē thamotima thē kuprawē ai thē pēni thē ā rē thaiwehei, thē ā nosi popehe.

Hetipētēwē 29

Komi hititiwē thē pēni ohote thē huripehe kama thē pē shaponopi hami, ʻhī pē shapono hami toprao thē pē parahērii.

Totihitawē thamotima thē hami thē pē rē wapēoheriwei ai thē pē ihami totihitawē thamotima thē pē kái kuprawē, ʻhī ei thēni thē nohi hatukēmapou totihitawē thamotima thē rē kui ai thē ā reamai thē sho. Mihi totihitawē thamotima thē hami peheti thē pē kuaahērii, yaiamotima thē hami thē pē rē patamou thē kuo tēhē.

Hei totihitawē thamotima thē rē kui ai thē ā kua mai thē pē sho O.N.U. thē rē kuuwei thē ā nohi wārīpou taomi.

Hetipētēwē30

Thē pē rē pērihouwei thē pēni, yototarewē pēni , ai yāmi thēni wa katehano thēni totihitawē thamotima thē wāhā no wēyēi ha ai thēni thē wāhā nohi taeai taomi, thē wāhā kái hemihiprai ayao taomi.